

TE HEHEURAA API

I neia i te piha neneiraa a te Ekalesia a Iesu Mesia i te Feia Mo'a i te Mau Mahana Hopea Nei, i Papeete, Tahiti, i te mau fenua Sotaiete, i te mau avae atoa. Te hoo, e piti farane i te matahiti hoê.

"Ia haapae-roa-hia te mamahu ore, e te iria, e te riri, e te avau e te faaino, e te tairoiro, eiaha roa atoa ia.

"Ia hamani maitai outou ia outou iho, ma te aau marû aroha noa, ma te faaore hoi i te hara te tahi e te tahi, mai ta te Atua i faaore mai i ta outou i te Mesia ra." Ephesia 4: 31, 32.

Nu. 2.

10 Novema, 1911.

Mat. 5.

Te Poheraa no Ioane Henere Semita.

¶ E faaite atu nei matou na roto i Te Heheuraa Apî i to te Ekalesia a Iesu Mesia i te Feia Mo'a i te Mau Mahana Hopea Nei i te mau fenua moana nei i te poheraa no to tatou taeae here, o Ioane Henere Semita, tauturu piti i te peresideniraa no te Ekalesia, i te oire Roto Miti, i te mahana 13 no Atopa i mairi a'enei.

Maamana'ô i ta Iesu Parau.

¶ E na ô mai nei o Iesu e:

"Te hapa ra oe i to rima atau, e tâpû e faarue ê atu.

"E te hapa na oe i to mata atau, e ohiti e faarue ê atu, e maitai hoi oe ia pohe te hoê melo o oe ra, i to tino atoa ia

hurihia i gehena.” Mataio 5: 29, 30.

E mana‘o paha oe e, e hinaaro haamamae to Iesu i te tino taata, i na reira‘i oia, aita. Eiaha e na reira te mana‘o, a hape oe. A haamana‘o na oe e; e ere anei e, e toroa ana‘e to taua mau melo nei i to ratou vairaa i nia i te tino? E.

Te toroa o te mata, o te hi‘o ia.

Te toroa o te tari‘a, o te faaroo ia.

Te toroa o te rima, o te rave ia.

Te toroa o te avae, o te haere ia.

Te toroa o te ihu, o te hoi ia.

Ia rave teie nei mau melo i te mau ohipa i haapaohia na ratou, e hara anei ta ratou? Aita roa ia. Ua ite papu hoi oe e, e na reira mau ratou. Te auraro nei râ teie nei mau melo i te mau faaueraa a te mana‘o.

Ia faaue te mana‘o i te avae e, a haere i te fare ava, ua haere oia.

Ia faaue te mana‘o i te rima e, a rave i ta vetahi ê tao‘a, ua rave oia.

Ia faaue hoi te mana‘o i te mata e, a hi‘o i ta vetahi ê vahine, ua hi‘o oia. E hara anei ta ratou? Aita.

Eaha to Iesu mana‘o? E tapu te rima, e e ohiti te mata? Eiaha roa ia. Aita oia i hinaaro e, e haamamae i te tino, e faarue râ te mau mana‘o iino. O te mana‘o ino hoi te tumu e viivii ai te tino. No roto mai hoi i te mana‘o ino te haavare, te eiâ, te taparahi taata, e e rave rahi atu â. No reira, eiaha e tapu i te rima, eiaha e ohiti i te mata, a faarue râ te mana‘o ino.

Na vai i faatupu i taua mau mea iino atoa nei? Te na ô mai nei o Paulo e: “E ia riri outou ra, eiaha ia harahia; eiaha ia mairi te mahana i to outou ririraa. Eiaha hoi e tuu i ta te diabololo ra vahi ia ô mai.” Ia ô mai i hea? Ia ô mai i roto i to mata, i roto i to tari‘a, i roto i to aau, e i roto i to rima.

No reira a patoi hua‘tu i taua enemi ra, e na’na e mauê atu. Eiaha ia ô mai. Eiaha outou ia riro ei parahiraa no taua varua pohe hae ra.—Toae a Maire.

Te Parau Tuatapapa no
Iosepha Semita.

(TUATIRAA.)

PENE XIV.

MATAHITI 1831-1832.

Na parahiraa e piti no te Ekalesia. Te parahi ra Iosepha i Hairama (Hiram). Ua tamata Viliamu E. MaKelena ia papai i te hoê heheuraa, aita râ i manuia. Ua taiva Ezera Boute (Booth) i te faaroo e ua faatupu oia i te peapea ia Iosepha. To Iosepha hamani-ino-raa-hia e te enemi.

¶ EI te tufaa fenua ra o Ohaio Iosepha i te reira tau, e ua parahi oia i reira i e fanu pue matahiti. Te parahi ra te Feia Mo'a i na vahi e piti, oia hoi tei te oire ra o Ketelani, i Ohaio, e te mau fenua i fatata mai te tahi pae i te faaea-raa, e te tahi pae tei te oire ra o Inidipenideni, i Missouri, e te tahi mau vahi i fatata i reira i te parahiraa. E area rahi hoi to ropu i na vahi i parahihia e te Feia Mo'a, oia hoi e iva hanere maile e tiahapa. Eaha e ore ai ratou e amuihia'i i te vahi hoê? Ia taio noa outou i teie nei parau tuatapapa, arau a'e outou e ite ai i te tumu i na reirahia'i ratou.

Ua haere Iosepha raua o Sidine Ritidoni i te utuafare o Ioane Ionasona (Johnson) i te oire ra o Hairama parahi ai. E toru ahuru ma pae maile te atea o taua oire ra mai Ketelani atu. E i reira ua rave raua i te ohipa faatitiafaroraa i te parau no te Bibilia. Ua papai Sidine i te parau mai tei faaitelia e Iosepha. E ere te reira ohipa ana'e tei ravehia e raua. Ua maitihia ia Viliamu W. Phelepe e ua tonohia'tu i te oire ra o Inidipenideni ia haamata oia i te nenei i te tahi vea no te Ekalesia, o tei mairihia te i'oa ra o "Fetia Ahiahi e te Poipoi."

Ua haaputupu Iosepha i te mau heheuraa tei fariihia

e a'na, e ua afaihia ratou e Olive Taudere i Inidipenideni ia neneihia. E e rave rahi te mau amuiraa i haapaohia, e te mau heheuraa i fariihia, e e taime rahi hoi tei pau ia Iosepha i te a'oraa'tu i te evanelia.

I te 25 no Atopa, 1831, ua haapao ihora te Feia Mo'a i te tahi amuiraa i te oire Orange, i Ohaio. E ua tae i reira teie nei mau taata toroa, oia hoi hoê ahuru ma piti Tahu'a Rahi, hoê ahuru ma hitu Peresibutero, e toomaha Tahu'a, e tootoru Haapii, e o toomaha Diakono, e e nahoa rahi o te mau taeae e te mau tuahine i tae atoa mai, riro'tura te reira ei amuiraa maitai roa e te faufaa rahi hoi no te Ekalesia.

I te hoê mahana a haapao ai ratou i te tahi pureraa, ua farii Iosepha i te tahi heheuraa no ô mai i te Fatu ra. Muri iho i te fariiraa i taua heheuraa nei, uâ haamata te feia i reira i te parau no te mau heheuraa. Ua mana'o ihora ratou e, e mea ohie i te peropheta ia faaite mai i te parau ta te Fatu i parau mai ia'na ra, e ua mana'o ihora ratou e, e tia ia ratou ia faaite atoa mai i te parau mai ia'na te huru. Ua ite te Atua i te mana'o i roto i to ratou aau e ua parau maira oia ia Iosepha, ia faataa i te hoê o tei hau i te paari, e e oti anei ia'na ia papai i te hoê heheuraa ei faito i te heheuraa iti roa i horoahia ia Iosepha? E mai te mea e ore e oti ia'na ua faahapahia ia. Ua mana'o ihora o Viliamu E. MaKelena, o oia tei hau i te paari i rotopu ia ratou, e ua tamata oia i te papai i te hoê faaueraa a te Fatu ei faito i te faaueraa iti roa i horoahia ia Iosepha; manuia ore roa ta'na tamataraa. Aore roa e tia ia'na ia papai i te hoê faaueraa e au i te parau iti roa ta Iesu Mesia i horoahia ia Iosepha. E ia ite a'era te Ekalesia i te reira, ua papu roa to ratou mana'o e, e peropheta mau ia o Iosepha. A taio i te pene 67, B. F. S.

A faatiahia'i te Ekalesia i te 6 no Eperera, 1830, aore ratou i faauehia e te Atua ia maiti i te mau taata toroa i reira. I te tupu noaraa o te Ekalesia, ei reira ua faaite mai te Atua i te mau toroa e au.

I te 18 no Mati, 1833, ua faatoroahia Sidine Ritidoni ei tauturu hoê, e o Federika G. Wiliama ei tauturu piti no Iosepha, riro'tura ratou te peresideniraa matamua no te Ekalesia. Ua maitihia te pŭpŭ Aposetolo i te 14 no Febuare, 1835. E i te 28 no Febuare, 1835, ua haamatahia te maitiraa o te mau taata no te Pŭpŭ Hitu Ahuru matamua i roto i te Ekalesia. E mai reira ua faatoroahia te mau taeae e tae noa'tu i te otiraa i te mau toroa i te faatiahia i roto i teie nei Ekalesia, mai tei tuuhia i roto i te ekalesia i te anotau no te Mesia e te mau aposetolo. Ua faatoroahia Eduata Paterita i te 4 no Febuare, 1831, te episekopo matamua no te Ekalesia, e ua haere oia i Misouri parahi ai. E i te 4 no Ditema ua faatoroahia Neula K. Uitime te episekopo piti no te Ekalesia e ua faatere oia i te ohipa i te oire ra o Ketelani. B. F. S. 72: 2.

Hoê matahiti e tiahapa aore Iosepha i haapeapeahia mai e te enemi. E i roto i taua tau hau ra no te peropheta, ua taiva te tahi taata i te faaroo o Ezera Boute to'na i'oa, ei reira ua haamata oia i te haavare hopoi haere i te parau ino no Iosepha, e i te patoiraa hoi i te Ekalesia. E orometua no te tufaa haapaoraa Porosetani i parauhia ra o Medoti, ua farii oia i te evanelia no te tahi tapao faaoraraa i te ma'i ta'na i ite i te ravehia i roto i te Ekalesia. Ua au roa ia taua taata ra ia Simona o te ite atu i na aposetolo i te tuu-
raa'tu i to raua pue rima i nia i te taata e ua noaa ihora ratou i te Varua Maitai. E ua hinaaro oia ia hoo i te nana mana i te moni. Ei reira ua avau atura Petero e ua faaue atu ia'na ia tatarahapa i taua mana'o hape rahi no'na ra. Ohipa 8: 14-24. E ua hinaaro atoa taua taata ra o Ezera i te Autahu'araa, eiaha ei haamaitairaa i te feia, ei tairi râ tei ore i faaroo ia'na ra, e ia iteahia to'na mana e te taata. E ia itea oia e, ia ore roa e tia ia noaa ia'na te mana o te Autahu'araa, maori râ na roto i te haehaa e te viivii ore, faarue atura i te Ekalesia, papai ihora oia i te mau leta haa-

vare ia ririhia Iosepha e te taata. E te vai atura hoi vetahi mau taata ua taiva atoa i te faaroo e ua riro ratou ei enemi rahi no te Feia Mo'a. Tei ia ratou te varua taparahi taata e ua hinaaro ia pohe roa te mau tavini a te Atua ia ratou.

I te 25 no Mati, 1832, ua haru te amuiraa taata iino ia Iosepha raua o Sidine Ritidoni. Te tia i noa ra Iosepha i na tamarii o tei pohe i te ma'i, e a varea noa'i oia i te taoto, ua ô mai te mau enemi i roto i te fare e ua haru ia'na. A afai noa'i ratou ia'na ua iriti noa oia i te tahi avae no'na, tue atura te tahi enemi tano ihora i nia i to'na mata, mairi ihora oia i raro. Ei reira ua haru ratou i to Iosepha arapoa, tapeahia'tura to'na mata'i, a haamatapoirihia'i oia. A iho ihora i to'na iho huru mau, tei te vahi atea ê rii ratou i te fare. Tei reira Sidine Ritidoni i te taotoraa, mai te mea hoi e, ua pohe roa. Ua afai rima noa ratou ia Iosepha; aore roa ratou e tuu ia'na ia faatiaia noa'tu i te fenua no te mea ua ite ratou i to'na puai e te itoitohoi. Ua apoo ihora te mau raatira, ia taa to ratou mana'o nahea'tura ratou i taua taata ra. E i reira ua afaihia mai te batete tâ, e ua tuu ratou i te tahi raau i roto i te reira, tamata ihora i te faaô te reira i roto i to'na vaha, aita râ i manuia. Muri ihora tamata atura ratou i faainu ia'na i te tahi mohina taero; teie râ ua û noa te reira i to'na niho, parari a'era, maniihia'tu. E i reira ua tupu to ratou riri i te rahiraa e ua bahae ihora ratou i ta'na ahu faarue'tura, e vai tahaa noa oia, e ua ati ihora i te toetoe, aita i mahia ua ou'a maira te tahi enemi i nia ia'na ma te riri u'ana, e ua motumotu roa to'na tino i te maiuu rima no taua taata ra, e na ô maira oia e: "Teie te huru o te mairiraa o te Varua Maitai i nia i te taata." E i reira ua parai ratou ia'na i te tâ, tapiri atura i te huruhuru moa, horo ê atura. Muri a'era ho'i atura Iosepha i te utuafare, e mea aroha rahi i te hi'oraa, te tahe noa ra te toto, ia fare-rei maira Ema ia'na ua matapoirihia oia. Ua horoa'tura ratou i te tahi ahu taoto ia'na, tapoihia ihora, e ua tomo oia

i roto i te fare. Ei reira ua tauturuhia oia e te mau hoa e ao noa'e te rui, ia mâ te huruhuru moa e te tâ i nia ia'na.

E e Sabati iho â taua mahana ra. Haapao ihora Iosepha ma i te pureraa i taua mahana ra, e ua tae mai te tahi pae o te enemi i te pureraa, o tei tamata na i te taparahi ia'na i te po i mua a'e, ua a'o atura Iosepha i te tahi a'oraa evanelia maitai roa, e ahiahi ihora ua bapetizo atura oia i na taata tootoru. Ua vai noa i te aau o te feia iino te mau opuaraa tia ore, e te mau parau faaino i te Feia Mo'a.

E huru aoaoa Sidine i na mahana e toru i muri a'e i to'na hamani-ino-raa-hia, e ia ora ua faarue atura oia e to'na ihora utuafare i te oire ra o Hairama. Ua pohe roa te tahi o na tamarii o tei pohe i te ma'i, no te mea ua û te mata'i toetoe i nia iho ia'na a hamani-ino ai ratou ia Iosepha. E e piti mahana i muri a'e i te poheraa o taua tamarii ra, oia hoi i te hoê no Eperera, ua faarue atura Iosepha, Sidine Ritidoni; Neula K. Uitine, Petero Vitima e Iese Gauge i te oire ra Hairama, haere atura i Missouri. Ua parahi Ema, te vahine na Iosepha, i te utuafare o te episekopo ra o Neula K. Uitine.—VILIAMU SETEMILA.

(E tuatihia mai teie parau.)

Te Faaroo.

(TUATIRAA.)

(AMAA II. O TE FAAROO TE TUMU NO TE MAU OHIPA ATOA.)

Eaha te mau mea, o te faaroo te tumu no te mau ohipa atoa?

Pahonoraa:

- "1. O te faaroo te tumu no te mau ohipa rima.
- "2. O te faaroo te tumu no te mau ohipa mana'o.
- "3. O te faaroo te tumu no te mau ohipa varua."

Uiraa: Eaha te faaroo te tumu no te mau ohipa rima?

Pahonoraa: "O te faaroo te tumu no te mau ohipa atoa. Aita to te taata ohipa ore e faaroo, ua pohe râ to'na faaroo. Iak. 2: 26. No te tiaturi o te taata i te Atua e e horoa mai oia i te auhuneraa na te taata tei tano ta'na ohipa,

e hamani oia i te faaapu, e tanu i te mau huero maa, e faararirari pinepine i te pape, ma te tia'i i te tau e hotu mai ai ia faufaahia ta'na. O taua tiaturi nei, o te faaroo ia. Na te faaroo e faatupu i te ohipa. E vaiiho râ te taata faaroo paruparu i ta'na faaapu ia tupuhia e te aihere."

Uiraa: Eaha te faaroo te tumu no te mau ohipa mana'o?

Pahonoraa: "No te faaroo o te taata e, e roaa ia'na te ite, e taio pinepine oia i te parau ia noaa te ite. No to'na faarooraa e, e roaa ia'na te paari, e te feruri e e haapao hoi oia i te parau i haapiihia, ia paari oia. E imi te taata faaroo ia itea, e ani oia, ia horoahia mai, e patoto atu, ia iritihia te opani no te fare pueraa tao'a no te ra'i, e tia ia'na ia rave mai i ta'na i hinaaro. Mataio 7: 8. E parahi faatau noa râ te taata faaroo ore, a ma'ua noa'tu ai. Masel 13: 4. O te faaroo te tumu e rave ai te taata i te mau ohipa mana'o."

Uiraa: Eaha te faaroo te tumu no te mau ohipa varua?

Pahonoraa: "No te faaroo o te vahine ma'i i fafa'tu ai oia i te hitu ahu no Iesu e ua ora. Mar. 5: 34. No te faaroo o Paulo i haere atu ai oia ia Anania, e au i te faaue-raa, e ua faaorahia to'na matapora. Ohipa 9: 6, 17, 18. No te faaroo o te mau aposetolo i a'ohaere ai ratou i te evanelia ma te moni ore. Ohipa 5: 40-42. Ahiri aita te faaroo, aita te vahine ma'i i faatoro atu i to'na rima, aita Paulo i haere atu ia Anania, e aita hoi te mau aposetolo i a'ohaere i te evanelia. Ua riro te faaroo ei tumu i rave ai ratou i te reira ra mau ohipa varua.

(AMAA III. O TE FAAROO TE TUMU NO TE MANA.)

Eaha te mau mea o te faaroo te tumu no te mana?

Pahonoraa:

- "1. O te faaroo te tumu e rahi ai te mau ohipa a te taata.
- "2. O te faaroo te tumu e mana'i te mana'o i nia i to te tino.
- "3. O te faaroo te tumu no te mana i te paeau varua."

Uiraa: Eaha te faaroo te tumu e rahi ai te mau ohipa a te taata?

Pahonoraa: "Ia anihia te taata faaroo ia rave i te tahi ohipa atâ, eita oia e pahono mai e, Aita e tia ia'u ia rave i te reira. E pahono mai râ oia e, E tamata vau, e oti ia'u ahiri te Atua e tauturu mai. No te faaroo paruparu o Iona i horo ê ai oia i te ohipa pororaa evanelia i to Nineve. E tairihia a'era, ua tupu to'na faaroo i te mana o te Atua, ora atura to Nineve i to'na ra pororaa i te parau a te Atua. ^{Ioane} ~~Ioane~~ 3: 4-10. Ia rahi te faaroo, ua rahi te ohipa; ia iti te faaroo, ua iti te ohipa. Iak. 2: 18."

Uiraa: Eaha te faaroo te tumu e mana'i te mana'o i nia i to te tino?

Pahonoraa: "Te auraro nei te taata faaroo ore i te mau hiaai tia ore o to'na ra tino; ia hiaai to'na ra tino i te avaava, ua puhipuhi; ia hiaai i te ava, ua inu; ia paia oia, ua oehamu tiaa ra a haapau roa'tu ai i te maa; ia riri, ua tuu noa i te riri ia riro ei tairoiro, e te parau nei oia, aita e tia ia'na ia faaoromai e ia haapae i te reira. Te faatia nei oia ia riro te tino ei faatere i te mana'o. O te faaroo te mana e upootia'i te taata i nia i to te tino. E vi te tino i te mana'o, eiaha te mana'o ia vi i te tino; e riro te mana'o ei faatere, eiaha te tino. 1 Ioane 5: 4, 5."

Uiraa: Eaha te faaroo te tumu no te mana?

Pahonoraa: "Ua hamani ihora te Atua i te ao nei na roto i to'na faaroo rahi. Heb. 11: 3. No te faaroo o Daniela, ua opanihia te vaha o te Liona; no te faaroo o Gideona, ua ora te ati Iseraela ia'na; no te faaroo o Mose ma, i ora te ati Iseraela i te miti uteute e i pohe te Aiphiti. Exodo 14: 22-29. Hebera 11: 29. No te faaroo ia ora Alama raua o Muleka. Alama 14: 26-29. No te faaroo o te mau peropheta, ua rave ratou i te mau ohipa rarahi. Hebera 11: 32-34. Ua tia te mau mea atoa i tei faaroo. Mataio 17: 20. Eiaha tatou ia horuhoru e ia tapitapi, ia rahi râ te faaroo, e riro ai tatou ei feia mana.—NA RUA.

e hamani oia i te faaapu, e tanu i te mau huero maa, e faararirari pinepine i te pape, ma te tia'i i te tau e hotu mai ai ia faufaahia ta'na. O taua tiaturi nei, o te faaroo ia. Na te faaroo e faatupu i te ohipa. E vaiiho râ te taata faaroo paruparu i ta'na faaapu ia tupubia e te aihere."

Uiraa: Eaha te faaroo te tumu no te mau ohipa mana'o?

Pahonoraa: "No te faaroo o te taata e, e roaa ia'na te ite, e taio pinepine oia i te parau ia noaa te ite. No to'na faaroora e, e roaa ia'na te paari, e te feruri e e haapao hoi oia i te parau i haapiihia, ia paari oia. E imi te taata faaroo ia itea, e ani oia, ia horoahia mai, e patoto atu, ia iritihia te opani no te fare pueraa tao'a no te ra'i, e tia ia'na ia rave mai i ta'na i hinaaro. Mataio 7: 8. E parahi faatau noa râ te taata faaroo ore, a ma'ua noa'tu ai. Masel 13: 4. O te faaroo te tumu e rave ai te taata i te mau ohipa mana'o."

Uiraa: Eaha te faaroo te tumu no te mau ohipa varua?

Pahonoraa: "No te faaroo o te vahine ma'i i fafa'tu ai oia i te hitu ahu no Iesu e ua ora. Mar. 5: 34. No te faaroo o Paulo i haere atu ai oia ia Anania, e au i te faaue-raa, e ua faaorahia to'na mataporaa. Ohipa 9: 6, 17, 18. No te faaroo o te mau aposetolo i a'ohaere ai ratou i te evanelia ma te moni ore. Ohipa 5: 40-42. Ahiri aita te faaroo, aita te vahine ma'i i faatoro atu i to'na rima, aita Paulo i haere atu ia Anania, e aita hoi te mau aposetolo i a'ohaere i te evanelia. Ua riro te faaroo ei tumu i rave ai ratou i te reira ra mau ohipa varua.

(AMAA III. O TE FAAROO TE TUMU NO TE MANA.)

Eaha te mau mea o te faaroo te tumu no te mana?

Pahonoraa:

- "1. O te faaroo te tumu e rahi ai te mau ohipa a te taata.
- "2. O te faaroo te tumu e mana'i te mana'o i nia i to te tino.
- "3. O te faaroo te tumu no te mana i te paeau varua."

Uiraa: Eaha te faaroo te tumu e rahi ai te mau ohipa a te taata?

Pahonoraa: “Ia anihia te taata faaroo ia rave i te tahi ohipa atâ, eita oia e pahono mai e, Aita e tia ia’u ia rave i te reira. E pahono mai râ oia e, E tamata vau, e oti ia’u ahiri te Atua e tauturu mai. No te faaroo paruparu o Iona i horo ê ai oia i te ohipa pororaa evanelia i to Nineve. E tairihia a’era, ua tupu to’na faaroo i te mana o te Atua, ora atura to Nineve i to’na ra pororaa i te parau a te Atua. ^{Ioane} ~~Ioane~~ 3: 4-10. Ia rahi te faaroo, ua rahi te ohipa; ia iti te faaroo, ua iti te ohipa. Iak. 2: 18.”

Uiraa: Eaha te faaroo te tumu e mana’i te mana’o i nia i to te tino?

Pahonoraa: “Te auraro nei te taata faaroo ore i te mau hiaai tia ore o to’na ra tino; ia hiaai to’na ra tino i te avaava, ua puhipuhi; ia hiaai i te ava, ua inu; ia paia oia, ua oehamu tiaa ra a haapau roa’tu ai i te maa; ia riri, ua tuu noa i te riri ia riro ei tairoiro, e te parau nei oia, aita e tia ia’na ia faaoromai e ia haapae i te reira. Te faatia nei oia ia riro te tino ei faatere i te mana’o. O te faaroo te mana e upootia’i te taata i nia i to te tino. E vi te tino i te mana’o, eiaha te mana’o ia vi i te tino; e riro te mana’o ei faatere, eiaha te tino. 1 Ioane 5: 4, 5.”

Uiraa: Eaha te faaroo te tumu no te mana?

Pahonoraa: “Ua hamani i hora te Atua i te ao nei na roto i to’na faaroo rahi. Heb. 11: 3. No te faaroo o Daniela, ua opanihia te vaha o te Liona; no te faaroo o Gideona, ua ora te ati Iseraela ia’na; no te faaroo o Mose ma, i ora te ati Iseraela i te miti uteute e i pohe te Aiphiti. Exodo 24: 22-29. Hebera 11: 29. No te faaroo ia ora Alama raua o Muleka. Alama 14: 26-29. No te faaroo o te mau peropheta, ua rave ratou i te mau ohipa rarahi. Hebera 11: 32-34. Ua tia te mau mea atoa i tei faaroo. Mataio 17: 20. Eiaha tatou ia horuhoru e ia tapitapi, ia rahi râ te faaroo, e riro ai tatou ei feia mana.—NA RUA.”

Te Mau Parau Api.

I TE avae i mairi a'enei ua pohe te hoê taata i te oire ra o Jersey, i Amerika, o George S. Schober to'na ra i'oa. E taata huru ruau oia, e pae ahuru o'na matahiti. E ua parauhia e, oia te taata teiaha i to Amerika atoa ra. Tera mai to'na faito e 300 kilo.

Te hoê pahi auahi rahi ra o "Olympic" o tei hamani-apî-hia i na avae i mairi a'enei, ua hamani-atoa-hia te tahi mau tutau no'na, e teie hoi te teiaha no te tutau rahi o te mau tutau i hamanihia, oia hoi e toru ahuru ma hoê tausani paunu (31,000). E ua hamauhia taua tutau ra i te fifi rahi auri e piti hanere tausani pounu i te teiaha (200,000).

Ua tupu te hoê ati rahi pereoo auahi i te fenua ra o Mexico i te avae i mairi a'enei. No te ua rahi roa i reira ua parari te e'aturu no nia i te hoê anavai rahi. Ua faatere u'ana'tura te raatira i te mau pereoo, mai te ite ore e, ua ino te e'aturu, e ia tae atu i te pape ra, aita roa'tu ta'na e ravea ia tapea i te mau pereoo auahi, e ua mairi taue noa ratou i roto i te pape hohonu, pohe ihora te mau taata e rave rahi. I mana'ohia e hoê hanere e tiahapa i pohe roa, e aita râ te hoê i ora mai.

I te tahi mau avae i mairi a'enei, ua parari te pahi ra o Ramona i nia i te ofai i fatata i te fenua ra o Alaska. Ua faatomohia taua pahi ra i te auro e i te tahi mau afata atoa na te mau taata i nia iho ia'na ra. Ua mana'o ratou e, ua moe roa ta ratou atoa ra mau tao'a. I teie nei râ, ua haere te mau taata e hopu i reira ra, e ua hopu ratou i raro e ua roaa ia ratou e 150,000 dara, moni auro, e te mau afata atoa na taua mau taata ra. Ua parari roa râ te pahi, aore roa'tu e ravea e afai mai ia'na i nia.

I te 25 no Setepa i mairi a'enei, te tutau ra te hoê pahi tama'i Farani, o Liberte, i roto i te ava i Toulon, i Farani, ua haruru te paura e ua tomo roa hoi oia. E e rave rahi tei pohe, oia hoi 316 taata. I na matahiti i mairi a'enei ua roohia-pinepine-hia te hau Farani e te peapea mai tera te huru: I te 16 no Atopa, 1906, ua moe roa te pahi Lutin, e ua pohe e 16 taata. E i te 8 no Febuare, 1907, ua haruru te paura i nia i te hoê pahi e ua pohe na taata tooiva. E i te 9 no Febuare, 1907, ua moe roa te pahi ra, Jean Bart to'na i'oa, aita râ e taata i pohe. E i te 13 no Atete, 1908, ua parari roa te hoê pupuhi i nia i te pahi haapiiraa faehau o Couronne, e ua pohe roa na taata tooono. E i te 23 no Setepa, 1908, ua haruru faahou te hoê pupuhi i nia i te pahi La Touche Treville, e ua pohe roa e 13 taata. E i te 27 no Me, 1910, ua hopu te hoê pahi hopu, o Pluviose e aita onâ i tae faahou i nia, e ua pohe roa e 27 taata.

I te oire ra o Denver, i te fenua Amerika, ua tarahu te hau oire i te hoê taata ei mutoi no te urî, e ua rave teie nei mutoi i te mau urî aore e fatu, e i te mau urî atoa hoi aore i haapeehia i te moni aufau. Ua hohonihia oia e te mau urî e 2,000 taime. Ua rave taua taata ra i te urî rahi e i te urî nainai; i te urî taehae e i te urî rata, e ua rave oia i te mau huru urî atoa, aore oia i mätä'u ia ratou, noa'tu te huru.

I te 18 no Atete i te fenua ra o Niu Ioka, i Amerika, ua faaipoipo te hoê vahine ruau e 96 to'na matahiti i te hoê taata apî, o Ree Inatona to'na i'oa, ei tane faaipoipo apî na'na. A toopae a'enei ta'na tane, e te tooono ia teie. E taata apî oia e e mata purotu hoi to'na, e ua tae i te 24 o to'na ra matahiti. E ua na ô maira oia: "Ua mauruuru roa vau i ta'u vahine faaipoipo apî, e no to'u here mau ia'na i faaipoipohia'i, e te mana'o nei au e parahi maua mai te here e te aroha rahi te tahi i te tahi e tae noa'tu i te poheraa."

I te 18 no Atete i te oire ra o Chicago, i Amerika, ua faatupuhia te tahi oroa mahana fanauraa na te tahi vahine ruau, o Elena Jenikina to'na i'oa. Ua tae oia i te hoê hanere e ma hoê i to'na ra matahiti. Ua tae mai ta'na mau tamarii fanau e toohitu, e na mootu atoa ta'na e 53, e ta ratou tamarii i fanau mai e 47, e ta ratou na tamarii i fanau mai e 2. E ia amui-pau-roa-hia ta'na mau tamarii ua tae i te 109 i te rahiraa. E e mea itoitaito rahi to ratou tupuna vahine, e ua tupu to'na mauruuru i te rahiraa i te farereiraa i ta'na mau tamarii. Na to'na teina taua oroa ra i faatupu, e ua faaterehia te reira e a'na, e ua taea atoa oia i te 92 i to'na ra matahiti.

I te 20 no Setepa i te fenua ra o Beritani, ua reva'tu te pahi ra o Olympia i te fenua ra Amerika, e ua û oia i te tahi manuâ no te hau Beritani, o Hauake to'na ra i'oa. Ua puta te pahi ra o Olympia, no reira ua faaû ratou ia'na i nia i te one, e muri a'era, ua mahemo oia e ua haamata oia i te ho'i mai i to'na oire, ia Southampton. I muri iho i te ûraa, ua pâraparau te raatira i te paraparau reva no te tahi atu pahi e haere mai e tauturu ia'na. Ua tae maira e piti pahi tavere e ua tauturu atu raua ia'na e ua tae ratou i te oire. Aita e peapea to taua pahi manuâ ra, maori râ ua miomio roa o mua i taua pahi ra. Tei nia iho i te Olympia te mau taata ratere e rave rahi no te mau pahi atoa o teie nei ao. Teie te rahi, oia hoi 742 i te mau piha numera hoê, e tei rotopu ia ratou e 30 taata tao'a rahi, oia hoi e 1,000,000 dara i te taata hoê, e e 3,000 taata i te mau piha numera piti. Teie te rahi o te moni i aufauhia e ratou no to ratou tere, oia hoi 250,000 dara, moni Amerika.

O Kenesaw M. Landis te hoê haavâ, o tei faautua i te Sotaieti Mori Arahua (Standard Oil Co.) i te hoê utua rahi roa, oia hoi e 9,000,000 dara, moni Amerika, i te matahiti i mairi a'enei. I teie nei ua faautua taua haavâ ra i te hoê taata i te utua nainai roa, oia hoi e 1 pene. E ua riro i taua haavâ ra te rê no te faautuaraa i te utua rahi e i te utua nainai i to te mau haavâ atoa ra.

I te 5 no Atopa ua tapae te peresideni no Amerika, o William Howard Taft to'na ra i'oa, i te oire Roto Miti. Ua farii ratou ia'na, e ua faatupu ratou i te hoê arearea e ua faaunauna ratou i te oire i te mau reva Amerika. Ua faanahonaho ratou i te iri amuraa maa i te mau maa monamona atoa ra e ua tamaa oia e te mau taata toroa no te oire, e muri a'era ua haere ratou i te fare menemene e ua a'o atura oia i te mau taata i reira ra. Tei reira te mau taata toe o tei haere i Roto Miti i te matamua. Ua rahi roa to'na oaoa no to'na taeraa i taua oire ra e te faahiahia ra oia i taua oire ra no te mea e oire nehenehe roa.

Ua rau te huru o te mau haapaoraa o teie nei ao. Tatou o tei parahi i te mau fenua oecania nei, ua faaroo tatou i te parau a te Atua, oia te haapiiraa a Iesu Mesia, no reira ua topahia te i'oa Kiritiano i nia ia tatou, e ua na reira atoa te i'oa o te mau faaroo atoa mai ta ratou faaroo atoa te huru i to ratou i'oa. Teie te rahi no te mau taata i roto i te haapaoraa: Ua hau te haapaoraa haamori idolo, oia te edene, teie te taioraa, 527,824,372. Te piti te haapaoraa haamori i te Atua e ia Iesu Mesia, teie te taioraa, 479,080,150. Teie te toru, te haapaoraa haamori i te atua rau, mai teie te huru: Ua mana'o ratou e, e atua no te mahana, e e atua no te avae, e e atua no te maramarama, e e atua no te aroha, e no te riri, e no te taata, e na reira noa i te mau mea atoa, teie to ratou taioraa, 117,681,669. Teie te maha, te haapaoraa Ati Iuda. Te haamori nei ratou i te Atua te Metua e ia Iesu Mesia. Te tia i noa ra ratou i te tau no te taeraa mai o te Mesia, aore roa ratou i faaroo e, ua tae mai oia e ua taparahihia oia e ratou. Ua afafa te haapaoraa Kiritiano i te tahi mau haapaoraa. Ua hau te Katorika, teie to ratou taioraa 230,866,533. Teie te taioraa no te Porosetani, 143,237,635, te vai nei i roto ia'na ra te tahi mau amaa nainai no'na. Te toru, te haapaoraa Katorika Heleni, teie to'na taioraa, 98,016,000. Teie te taioraa no te tahi mau haapaoraa nainai o tei parahi i tera vahi e i tera vahi, 4,970,000.

. Toae a Maire, Faaau Parau,

Rue Dumont d'Urville, Orovini, Papeete, Tahiti.

W. A. Seegmiller, Imprimeur,

Rue Bréa et de la rue Dumont d'Urville, Papeete, Tahiti.